

道光六年重修

中州貞紉菴纂輯

太原縣志

本署藏板

太原縣志卷之三

公署

官之有署非徒以壯觀瞻也出而蒞政退而思過民之尊仰在是良吏之修省亦在是矣周禮曰治官府詩曰躋公堂皆是物也坊表舖驛並附入焉志公署

太原縣署在城中十字街東宋太平興國四年太原平廢晉陽縣置平晉縣於故城東明洪武四年移縣治於汾河西故唐城基之南八年改爲太原縣卽今治知縣潘原英建成化七年知縣任亨修宏治十四年知縣李曜增修國朝乾隆八年知縣徐玉田捐俸重修大堂五十六年內宅

太原縣志

卷之三

公署

一

正庭被災知縣羅錫純倡士民捐銀修理嘉慶六年知縣鍾德廣捐俸重修大門十八年知縣魏來田捐俸重修大堂二堂二十四年知縣孟調梅請帑修理二堂及東花廳二門道光二年知縣章頌椿捐俸添建西花廳

大堂三間舊名牧愛堂今名見心堂有雷仁育碑記

六房十間

庫房二間

皂隸房東西各二間

儀門三間

諭牌坊一座

大門三間

獄神祠一間外獄四間內獄十間

土地祠一間

寅賓館卽土地祠正庭

旌善亭在大門外東

申明亭在大門外西

宅門

保障堂三間東西門房各一間

東廳三間外書房三間

內宅正房三間東西廂房各三間

太原縣志

卷之三

公署

一一

東正房三間東西廂房各三間

內書房六間客房三間

廚房三間浴堂一間

馬神廟一間馬房四間
在縣署

鄧侯祠三間
在城守司署東

城守司署
在縣署東

縣丞
裁

主簿
裁

典史署
在東三房後

稅課司
今廢

會司

道會司

陰陽學

今廢

惠民藥局在南街

鼓樓在東街乾隆二十六年知縣黃捷山重修

養濟院在南街明洪武十一年知縣周時運建嘉靖十一

年知縣楊庭遷於預備倉北雍正七年知縣龔新重修

道光五年知縣員佩蘭重修

預備倉在城西南隅明永樂三年知縣王希善建

國朝雍正七年知縣龔新重修

太原縣志

卷之三

公署

三

義倉五一在縣西街一在小店鎮一在北格鎮一在晉祠

鎮一在南堰鎮

社倉三一在東街一在小店鎮一在北格鎮

惠民倉在文廟西北知縣楊國正建今廢

恒心倉在文廟東知縣胡全禮建今廢

養廉倉在文廟東御史趙文炳建今廢

察院在東街北明洪武十八年知縣皇甫瑄建今半留積

貯所半建節孝祠

布政分司在東街北明景泰元年知縣劉敏建今廢

按察分司在北街東舊爲府亭嘉靖二十八年僉事朱政

建今成草廠

常平倉在縣東街節孝祠後

坊表附

大司空坊爲工部尙書王永壽建

折桂坊爲舉人張擴建

登瀛坊爲知府孟迪建

登科坊爲舉人高翔建

步蟾坊爲舉人王寅建

崇英坊爲舉人郭斌建

繼美坊爲舉人孟晟建

太原縣志

卷之三

公署

四

聯芳坊爲兄弟同科舉人王永壽王永亨建

世顯坊爲舉人王瑄建

紹錦坊爲舉人王洪建

亞魁坊爲舉人高堅建

拔尤坊爲舉人閻泰建

進士坊爲甲辰科進士王瓊建

進士坊爲辛巳科進士高汝行建

少師坊爲王瓊建

冢宰坊爲王瓊建

大司馬坊爲王瓊建

冠英坊爲舉人李壽昌建

刺史坊爲知州劉永振建

高魁坊爲舉人單希性建

褒顯坊爲敕封戶部主事高用建

地官坊爲戶部郎中高汝行建

兵憲坊爲副使高汝行建

鴻臚坊爲鴻臚寺序班郭敬建

勝覽坊在晉祠

晉溪別墅坊少師王恭襄公別墅

傳芳坊高氏世科建

太原縣志

卷之三

公署

五

喬梓柱史坊爲馬朝陽父子建

節孝坊爲楊阿鳳妻暢氏建

節孝坊爲王道隆妻李氏建

貞節坊爲楊素妻劉氏建

懿範流芳坊爲李榮基母劉氏建

驛鋪附

驛站無

總鋪在縣北街東

西路三鋪

王索

武家莊

南屯

中路五舖

三賢

將東

東橋

嘉節

馬村

東路二舖

鄭村

許西

汎地

東路六

馬村

嘉節

小店鎮

流澗

北格

三賢

西路六

太原縣志

卷之三

公署

六

一南屯

大佛寺

花塔

王索

棗園頭

固驛

田賦

田賦與戶口相因所謂有人此有土也考太原戶口明
洪武至天啟幾三百年所增不過三之一我

朝深仁厚澤涵濡百餘年復屢下蠲租之

詔所以子惠元元者至周且渥故戶口視明季幾三倍之
而無曠土無游民任土作貢輸將恐後咸知尊君親上
之義焉志田賦

明洪武年

田四千八百三十頃

戶九千五十三

太原縣志

卷之三

田賦

七

口五萬三千七百十九

永樂年

田四千七百八十七頃八十六畝一分

戶八千二百五十六

口五萬二百二十八

成化年

田四千七百七十九頃七十二畝四分

戶九千四百二十二

口五萬一千六百五十二

嘉靖年

田四千七百七十九頃八十九畝六分

戶九千六百五十六

口七萬九千六十八

天啟年

田五千二百頃有奇

戶九千八百有奇

口八萬一千二百有奇

國朝順治年

田五千二百一十五頃五畝二分七釐

丁二萬七千三百三十九

太原縣志

卷之三

田賦

八

康熙年

田五千七百一十頃九畝七分九釐七忽

丁三萬一千七百三十五

雍正年

田五千七百一十頃九畝七分九釐七忽

丁三萬四千七百六十一

康熙五十五年六十年雍正四年九年審編共滋生人

一千三百三十三丁欽奉

恩詔永不加賦又康熙五十五年六十年雍正九年清出續

生人三十一丁欽奉

恩詔永不加賦

乾隆年

田五千六百九十二頃九分四釐一毫

戶四萬二百一十

口二十一萬三千四百三十四

嘉慶年

田五千六百九十二頃九分四釐一毫

戶四萬三百八十六

口二十二萬九百二十八

道光年

太原縣志

卷之三

田賦

九

田五千六百九十二頃九分四釐一毫

戶四萬四百三十六

口二十二萬四千二百五十三

編戶五十一都

坊郭五都

南關東

南關南

南關中

南關西

南關北

鄉鎮四十六都

安仁

晉源

王索二

北郭一

源鎮

姚邵

王姚西

姚西一

姚西二	晉陽南	河下	乞伏
洛陽	三賢東	三賢西	張花
蒲村	辛村一	辛村二	西賈南
西賈北	東橋南	東橋北	將東一
將東二	<small>上都並</small> 勳南一	勳南二	舊縣
王名	高中一	高中二	嘉節
許東	許西	黃陵南	黃陵北
鳳中一	鳳中二	馬村	北關
睦俗	義堰	胡泉	豐泉一
豐泉二	豐泉三		

太原縣志

卷之三

田賦

十

原額并開墾實在成熟地五千六百九十二頃九分四

釐一毫

內民田屯田更名田河灘塞田各派科則不等

共實徵本色粟米六百九十二石一升九合五勺

粳米五合四勺

續報米一石九斗七升三合四勺

自首米一十二石二斗九升四合八勺

本色黑豆一千八百一十一石九斗二升七合

道光元年奉文因減馬增兵減豆一百一十四石九斗

三升四合五勺每石改徵銀一兩七錢自二年秋季

為始

河灘租穀四百二十三石六斗八升七合八勺每石折
米六斗共折米二百五十四石二斗一升二合六勺
八抄

軍屯米九百九十四石九斗四升一合八勺

王屯米一百一十二石五斗二升四合八勺

以上共實徵糧三千九百九十四石七斗九升九合
三勺八抄

舊志開載折色租課銀三萬二千五百九十七兩五錢

二分二釐一毫七絲五忽六沙四塵九渺二埃三漠

實在行差人三萬四千七百六十一丁內民丁屯
丁更名丁共

太原縣志

卷之三

田賦

十一

實徵均徭銀九千八百三十六兩八錢八分五毫四

絲五忽二微九纖二沙八塵二渺五埃一漠自乾隆

三十三年編審後丁徭銀兩全歸地糧

實徵地丁銀四萬二千二百五十三兩五錢九分一釐

原額商稅窩磨課酒課共銀八十七兩一錢二分遇閏
加增

屯糧更名銀二百四十二兩八錢一分六釐

屯丁衛差銀二百一十四兩三錢五分

額外契稅商畜牙當雜課等銀二千八百一十七兩四

錢六分五釐八毫

鹽引額銷二千零四十八道徵銀八百二十一兩三錢

五分三釐

常平倉額穀二萬四千石

社倉三

在縣城

在北格鎮

在小店鎮

原貯穀五千一百三十三石一斗六升九合嘉慶二

十四年奉

旨豁免民歉穀四千七百八十三石計存穀三百五十石一

斗六升九合

義倉五

在縣城

在北格鎮

在小店鎮

在晉祠鎮

在南堰鎮

原貯穀四千八百八十六石一升一合嘉慶二十四

太原縣志

卷之三

田賦

十二

年奉

旨豁免民歉穀四千六百石計存穀二百八十六石一升一

合

底稿從庫抄來

風俗

唐俗勤儉有帝堯之遺風焉而其弊或過於朴陋然其去夸詐輕浮之習固已遠矣近世以來漸及於奢當事者所當防其流也志風俗

春秋左氏傳季札觀樂爲之歌唐曰思深哉其有陶唐之遺民乎不然何憂之遠也非令德之後誰能若是

詩小序曰蟋蟀刺晉僖公也儉不中禮故作此詩以閔之欲其及時以禮自虞樂也此晉也而謂之唐本其風俗憂深思遠儉而用禮乃有堯之遺風焉

鄭康成毛詩譜曰昔堯之末洪水九年下民其咨萬國不

太原縣志

卷之三

風俗

十三

粒於時殺禮以救艱厄其流乃被於今

班固志唐風君子深思小人儉陋

范蔚宗志左傳晉文公以綿上爲介之推田介山推焚死之山故太原俗有寒食周舉傳舉遷并州刺史太原一郡舊俗以介之推焚骸有龍忌之禁至其亡月咸言神靈不樂舉火由是士民每冬中輒一月寒食莫敢烟爨老小不堪歲多死者舉旣到州乃作吊書以置之推之廟言盛冬去火殘損民命非賢者之意以宣示愚民使還温食於是眾惑稍解風俗頗革顏師古曰龍星木之位也春見東方心爲大火懼火之盛故爲之禁火俗傳之推以此日被焚

而禁火或曰龍禁卽之推龍蛇之歌也

世說新語晉陽王武子中都孫子荆各言其土地人物之美王云其地坦而平其水淡而清其人廉且貞孫云其山崔巍以嵯峨其水泮渫而揚波其人磊落而英多北齊劉子曰晉有唐虞之遺風其俗節財而儉嗇

隋志曰太原山川重複實一都之會雖後齊別都人物殷阜然不甚機巧人性勁悍習於戎馬故自古言勇俠者皆推幽并云然太原自前代以來皆多文雅之士雖曰邊郡然風教不爲比也

柳宗元晉問曰晉之故封太行犄之首陽起之黃河迤之

太原縣志

卷之三

風俗

十四

大陸靡之以稼則碩以植則茂以牧則畜以魚則庶而人用是富而邦以之阜

宋史韓琦治并州河東俗用火葬琦爲買田封樹刻石著令使得葬於其中人遂以焚屍爲耻

朱子詩註曰唐俗勤儉故其民間終歲勞苦不敢少休及其歲晚務閒之時乃敢相與宴飲爲樂其風俗之厚而前聖遺風之遠如此

安城劉氏詩說曰自堯而至於今蓋千餘年矣而其風俗流傳固結於唐人之心故其民間質實勤儉之習親愛和樂之思警戒忠告之情備見於詩此其俗之所以爲厚也

豐城朱氏詩說曰唐俗勤儉勤者生財之道儉者用財之節聖人教人不越勤儉而已

郭子章晉論曰士尚謙恭民多醇古恍不識不知之毗一讓畔讓居之度去華存儉則素題越席之遺憂深思遠其暑雨祁寒之故

一統志曰其風清簡不好詞訟

太原圖經曰士窮理學兼集詞章敦厚不華勤儉好學工賈務實人物輩出有文武才

祝志曰土風惇篤民性鷙悍

按原邑在郡屬縣中爲最貧而土地最爲沃衍則汾晉

太原縣志

卷之三

風俗

十五

二水之力也又山中所出石炭足濟數縣其他鹽鉄之利亦復不乏故貧民易於謀生貿易外鄉者寥寥焉其貧以此其不至饑寒流亡亦以此

物產

扶輿清淑之氣鍾乎人亦鍾乎物太原水陸之產雖無甚珍奇而備物致用在三晉猶稱沃壤焉志物產

穀屬

稻 黍 稷 粱 秫

糜 小麥 玉麥 廣麥 草麥

莞豆 黃豆 黑豆 豇豆 蕎麥

麻子

果屬

杏 李 桃 梨 棗

太原縣志

卷之三

物產

十六

葡萄 櫻桃 林檎 羊棗 紅果

龍棗 扁桃 花生 山梨 山桃

山果 核桃 銀杏 無花果

菜屬

藕 葱 韭 蒜 芹

莧 茄 瓠 芥 椿芽

白菜 蔓菁 蘑菇 蘿藦 石耳

芫荽 葫蘆 山藥 豆豉 金針

草耳 水芹 秦椒 苦菜 萵苣

菠菜 蒼蘆 玉蔓菁

瓜屬

西瓜 甜瓜 王瓜 菜瓜 南瓜

絲瓜 冬瓜 木瓜 北瓜 桑白瓜

木屬

松 柏 楮 杆 樺

椴 梨 榆 槐 柳

桑 椿 楸 楮 檇

棗 楊 桐 檀 核桃

垂楊 柏桃 檉俗名三春柳

藥屬

太原縣志

卷之三

物產

十七

甘草 地黃 棗仁 遠志 大黃

茴香 瓜萋 芍藥 黃芩 蕤仁

蒼朮 芫花 菖蒲 苦參 麻黃

澤瀉 防風 荊芥 升麻 商陸

薄荷 柴胡 紫蘇 茵陳 百合

蓮肉 牽牛 黃精 菊花 皂莢

青黛 連翹 地丁 蟬退 蛇退

土鼈 枸杞 花椒 蘆芽 馬勃

瞿麥 石膏 木賊 龍骨 地脂

天花粉 地膚子 牛蒡子 蒲公英 夏枯草

車前子 旋覆花 寄生草 欵冬花 益母草

老鸛草 金銀花 地骨皮 兔絲子 菴荇草

望月沙 夜明沙 土貝母 天門冬

禽屬

雞 鶩 雀 鴿 隼

鵲 雉 鳩 鴉 鶴

燕 鳶 鷓 鶯 山雞

石雞 水鴨 布穀 黃鸝 戴勝

土翠 松鴉 水雞 山鵲 半痴

獸屬

太原縣志

卷之三

物產

十八

牛 騾 馬 驢 羊

猪 犬 貓 鼠 虎

狼 豹 豺 狐 兔

獾 閭麋

魚屬

鯊 鯉 鯽 鮎 鯽

鯉 鱈 蝦 鱖 金魚

渡父魚

蟲屬

蚓 蜂 蟬 蝠

蝶 蛙 蟋蟀 蟾酥 蜻蜓

墨蜻蜓

甲屬

蟹 蚪 螺

花屬

菊 蓮 探春 迎春 臘梅

杏梅 桃梅 碧桃 紫荊 地棠

連翹 刺梅 牡丹 芍藥 薔薇

捲丹 山丹 萱草 茜草 海棠

馬櫻 芙蓉 木槿 茉莉 八仙

太原縣志

卷之三

物產

十九

玉簪 桃柳 石榴 石竹 蜀葵

鳳仙 雞冠 紫薇 藍雞 榆梅

黃刺梅 剪紅羅 紫蝴蝶 水紅花 山棉花

珍珠蘭 鼠條紅 白丁香 沒根莪 連翹梅

十姊妹 銀粟殼 虞美人 金蓮花 蝴蝶蘭

黃連花 諸葛花 鼓子花 繡毬花 洋牡丹

秋海棠 鐵甲海棠

竹屬

大青竹 鳳尾竹 茅竹 實竹

雜物

長生蘋 鹽 靛 絹 布

蓆 氈 毯 蜜 茶

菸 礬 羅 絲線 草帽

石炭 石灰 白紙 草紙 磁器

瓦器 砂器 硯石 出柳峪珠環村
出風峪太山

鐵

祀典

楚茨諸詩備言祀事而大禮亦教民美報焉蓋治民事
神理實相需故祀有常典而民間祭賽亦守土者所弗
禁也志祀典

文廟正殿

至聖先師孔子

東西四配

復聖顏子 宗聖曾子 述聖子思子 亞聖孟子

東哲

先賢

太原縣志

卷之三

祀典

二十一

閔子

冉子

端木子

冉子

卜子

有子

西哲

先賢

冉子

仲子

宰子

言子

顓孫子

朱子

東廡

先賢

蘧瑗

澹臺滅明

原憲

南宮适

商瞿

漆雕開

司馬耕

巫馬施

顏辛 曹卹 公孫龍 秦商

顏高 壤駟赤 石作蜀 公夏首

后處 奚容蒧 顏祖 句井疆

秦祖 縣成 公祖句茲 燕伋

樂欬 狄黑 孔忠 公西蒧

顏之僕 施之常 申棖 左邱明

秦冉 牧皮 公都子 公孫丑

張載 程頤

先儒 孔安國 毛萇 高堂生

公羊高 孔安國 毛萇 高堂生

太原縣志 卷之三 祀典 二十二

鄭康成 諸葛亮 王通 司馬光

歐陽修 胡安國 尹焞 呂祖謙

蔡沈 陸九淵 陳淳 魏了翁

王柏 許衡 許謙 王守仁

薛瑄 羅欽順 黃道周 湯斌

西廡

先賢

林放 宓不齊 公冶長 公皙哀

高柴 樊須 商澤 梁鱣

冉孺 伯虔 冉季 漆雕徒父

漆雕哆

公西赤

任不齊

公良孺

公肩定

鄔單

罕父黑

榮旂

左人郢

鄭國

原亢

廉潔

叔仲會

公孫輿如

邾翼

陳亢

琴張

步叔乘

秦非

顏噲

顏何

懸亶

樂正克

萬章

周敦頤

程顥

邵雍

先儒

穀梁赤

伏勝

后蒼

董仲舒

杜子春

范甯

韓愈

范仲淹

太原縣志

卷之三

祀典

二十三

胡瑗

楊時

羅從彥

李侗

張栻

黃幹

眞德秀

何基

趙復

金履祥

陳澧

蔡清

呂坤

陳獻章

胡居仁

吳澄

劉宗周

陸隴其

崇聖祠

肇聖王

裕聖王

詒聖王

昌聖王

啟聖王

東西配

顏路 曾點 孔鯉 孟孫氏

東從祀

先儒

周輔成 程珦 蔡元定

西從祀

先儒

張迪 朱松

名宦祠

太原縣志

卷之三

祀典

二十四

周

晉陽令董安于 晉陽令尹鐸

晉

晉陽令劉琨

北齊

并州刺史段韶

隋

并州刺史辛公義

唐

太原尉李義琰 太原尹韋濟

太原少尹嚴 浚 太原少尹李 銳

太原主簿谷 倚

後唐

北京留守張 憲

宋

太原尉陳知白 知并州 若谷

金

太原少尹盧孝儉

明

太原尹潘原英 知縣郝 瑾

太原縣志

卷之三

祀典

二十五

教授藺從善 知縣劉 敏

教諭鄭 瑾 知縣李 曜

知縣劉 經 知縣申 綸

教諭王堯經

國朝

知縣郜煥元 知縣孫閔達

鄉賢祠

唐

戶部尚書王 涯 黃門侍郎同平章事王 緯

後周

侍衛親軍指揮韓通

明

工部尚書王永壽 吏部尚書王瓊

上猶縣訓導閻國順 陝西布政使馬朝陽

甲子科舉人李中馥

國朝

徵士閻若璩 生員馬電

忠義孝弟祠雍正六年知縣許登庸建忠孝節義祠於東街雍正七年知縣龔新於舊祠專祀節孝婦女而分建忠義孝弟祠於儒學名宦祠之南

太原縣志

卷之三

祀典

二十六

周

豫讓

漢

劉茂

隋

郭雋

唐

王方翼 路敬惇

五代

李筠

宋

李萬超

劉孝忠

吳延祚

武英

楊業

王貴

金

趙益

明

孫興

段廷晏

趙洪遠

趙威晉

國朝

劉芳

按名宦鄉賢忠義孝弟三祠所祀殊無義例董安于尹

太原縣志

卷之三

祀典

二十七

鐸專治晉陽祀之可矣劉琨段韶等所治較今太原一郡且倍之而祀於一邑何也即云晉陽為郡首邑澤民尤深則自漢以來宜祀者多矣不止此數人也晉時太原王氏最多偉人而鄉賢一無所及唐人如白居易本下邳人以其本出太原列於人物而鄉賢又不及之其他遺漏者甚多忠義孝弟別為一祠豈以其一節之長不足稱賢與豫讓非本邑人其事亦非本邑人所宜尸祝王方翼祁縣人事與本縣無涉而祀之殊為無當但相沿已久未敢更變姑志之以俟有識者補正焉

節孝祠在縣東街鼓樓東

社稷壇在西門外

風雲雷雨山川壇在南門外

先農壇在東南郊

八蜡廟在東門外

邑厲壇舊在縣北八里今移西門外

關帝廟在縣北街各鄉鎮多有之按建廟始祀蜀漢漢壽亭侯宋徽宗始封忠惠公大觀二年加封武安王高宗建炎二年加壯穆武安王孝宗淳熙十四年加英濟王元文宗天歷元年加封顯靈威勇武安英濟王明洪武中復侯原封萬歷二十二年因道士張通元之言進爵

太原縣志

卷之三

祀典

二十八

爲帝廟曰英烈四十二年又敕封三界伏魔大帝神威遠鎮天尊關聖帝君又封夫人爲九靈懿德武肅英皇后子平爲竭忠王興爲顯忠王周倉爲威靈惠勇公賜以左丞相一員爲宋陸秀夫右丞相一員爲張世傑其道壇之三界馘魔元帥則以宋岳飛代其佛寺伽藍則以唐尉遲恭代劉若愚蕪史云太監林胡所請也繼又崇爲武廟與孔廟並祀

國朝順治九年加封忠義神武關聖大帝雍正三年封帝曾祖爲光昭公祖爲裕昌公父爲成忠公崇祀後殿

文昌廟一在縣東關一在東城樓各鄉鎮多有之世傳文

昌卽梓潼帝君按王弇州宛委餘編謂卽陷河神張亞子而引其所著化書語甚荒幻窮神秘苑及太平廣記諸書所載畧同皆與文昌二字無涉又續通考云劍州梓潼神張亞子仕晉戰沒人爲立廟唐元宗西狩追封左丞僖宗入蜀封順濟王咸平中改封英顯王此見於祀典者然亦與文昌二字無涉明史宏治中尙書周洪謨等議祀典云梓潼帝君者記云神姓張名亞子居蜀七曲山仕晉戰沒人爲立廟唐宋屢封至英顯王道家謂帝命梓潼掌文昌府事及人間祿籍故元加號爲帝君而天下學校亦有祠祀者景泰中因京師舊廟闢而

新之歲以二月三日生辰遣祭夫梓潼顯靈於蜀廟食其地爲宜文昌六星與之無涉宜敕罷又續通考嘉靖中倪文毅請正祀典疏亦本周洪謨之說謂梓潼神景泰五年始敕賜文昌宮今宜祀於蜀至文昌之星與梓潼無干乃合而爲一誠出傳會當時皆未允其請然世以梓潼爲文昌則由來已久按吳自牧夢梁錄梓潼帝君專掌注祿籍封王爵曰忠文英武孝德仁聖王是南宋已立此祠矣葉石林崖下放言記蜀有二舉人行至劍門張亞子廟夜宿各夢諸神預作來歲狀元賦甚靈異高文虎蓼花洲間錄亦載此事然則張亞子之顯

於科目蓋自宋始亦自宋之蜀地始世人因其於科目
事有靈異元時遂以文昌帝君封前明又以文昌額其
宮而張亞子之爲文昌遂至今矣又按明都 三餘贅
筆謂梓潼蜀地蜀上直參宿參有忠良孝謹之象梓潼
山水深厚爲神所宅或又謂斗魁爲文昌六府主賞功
進爵故科名之士多祀之二說似近理然於典禮亦無
確據我

朝陸隴其李光地謂周禮有祀司中司命之文是文昌之
祀自古有之此論較爲允洽嘉慶六年崇祀三代

奎星閣在南城上按今人祀魁星爲奎而取象則取於魁

太原縣志

卷之三

祀典

三十

爲鬼舉足而起其斗名實相乖所當釐正北斗以魁爲
首故有九魁之稱斗魁戴筐六星曰文昌魁下六星兩
兩相比曰三台奎爲封豕爲溝瀆與文章無涉宋初五
星聚奎說者謂孔子魯人奎婁爲魯分野儒教當興之
象特史官傳會之詞不足爲據當更作魁爲當顧寧人
以奎爲文章之府而魁非佳語誤矣

城隍廟在縣南街顧寧人曰知錄洪武元年各處城隍廟
皆有封爵府曰公州曰侯縣曰伯且有制詞三年詔天
下城隍神主止稱某府城隍之神某州城隍之神某縣
城隍之神前時爵號一切革去未幾又令各處城隍廟

內屏去間雜神道城隍神舊有泥像在正中者以水浸之泥在正中壁上卻畫雲山圖像在兩廊者泥在兩廊壁上此令一行千古之陋習爲之一變惜乎今人多不達此往往妄爲衣冠之像甚者又爲夫人以配之習俗之難移如是按城隍之名見於易所謂城復于隍也城隍之祀見於禮天子大蜡八水庸居其七水則隍也庸則城也然未竟名之爲城隍也北史慕容儼鎮郢城梁大都督侯瑱等舟師至城外城中先有神祠一所俗號城隍神儼於是順人心禱之隋書五行志梁武陵王祭城隍是城隍之祀蓋始於六朝也唐文粹有李陽冰縉

太原縣志

卷之三

祀典

三十一

雲縣城隍記謂城隍神祀典所無惟吳越有之是唐初尙未列於祀典宋張南軒治桂林見土地祠令毀之曰此祀不經自有城隍在或問既有社莫不須城隍否曰城隍亦贅也然載在祀典是宋時已入祀典矣

臺駘廟在晉祠

副使

高汝行所建雍正八年高鹵等重修乾隆辛卯邑歲貢高碧等重修嘉慶丁卯高氏合族重修

汾水川祠卽臺駘神廟在晉澤南王郭村節度盧鈞改今名晉封昌寧公宋封靈感元應公賜額曰宣濟廟有掌禹錫所撰碑記見藝文
明洪武七年重修歲以五月五日致祭

晉源神祠在晉祠祀叔虞之母邑姜宋天聖間建熙寧中以禱雨應加號昭濟聖母崇寧初敕重建元至正二年重修明洪武初復加號廣惠顯靈昭濟聖母四年改號晉源之神天順五年按院茂彪重修歲以七月二日致祭闔若璩曰邑姜爲十亂之一齊太公望女唐叔虞母叔虞之封唐也亦發夢於其母故今晉水源有女郎祠實邑姜之廟旁方爲唐叔虞廟南向此子爲母屈者也母封曰聖母子封曰汾東王祀典之譌自明洪武四年詔革天下神祇封號止稱以山水本名於是聖母廟改而爲晉源神祠矣當時禮官不學如此余從草間搜出

宋政和五年殘碑乃姜仲謙謝雨文首云致祭于顯靈昭濟聖母汾東王之祠中云惟聖母之發祥兮肇晉室而開基王有文之在手兮其神靈之可知喜得一典證屬有司當上聞於朝以釐正之而別建晉源神祠又曰女郎祠之建實始於天聖而封號之加則自熙寧禱應始宣和五年上距天聖甫百年其建祠之故與所祠之人必歷歷有據故仲謙得之於傳聞而載之於撰著不然豈牽合傳會遂至此也

唐叔虞祠在縣西南懸甕山麓晉水發源處故名晉祠唐太宗制銘勒石并飛白書碑陰晉高祖天福六年封興

安王宋天聖間封汾東王累代修建明嘉靖二十七年
邑人王朝立高汝行等倡義重修巡撫蘇祐爲之記天
啟三年方伯蔡復一及知縣屈鍾嶽復加修葺乾隆三
十六年重建監司徐浩倡各僚屬捐修邑令周寬監修
藩司朱珪有記歲以三月二十五日致祭

三官廟在城東街明崇禎間知縣孟良允建按歸震川集
有三官廟記其說出於道家以天地水爲三元能爲人
賜福赦厄皆以帝君尊稱焉然未詳其由來郎瑛謂天
氣主生木爲生候地氣主成金爲成候水氣主化水爲
化候其用司於三界而以三時首月候之故曰三元三

太原縣志

卷之三

祀典

三十三

元正當三臨官故又曰三官亦未言其出自何處惟宋
景濂跋揭文安侯斯所撰曲阿三官祠記謂漢熹平間
漢中張修爲太平道張魯爲五斗米道其法畧同而魯
爲尤甚自其祖陵父衡造符書於蜀之鶴鳴山制鬼卒
祭酒等號分領部衆有疾者令其自首書名氏及服罪
之意作三通其一上之天著山上其一藪之地其一沉
之水謂之天地水三官三官之名實始於此

玉皇廟在縣西門內八月初一日祭

東嶽廟在縣東街三月二十八日祭

眞武廟在北門月城內三月三日祭

河神廟在東關六月二十四日祭

龍天廟在南關七月七日祭

以上五廟各鄉鎮多有茲不詳載

龍王廟在縣西南三十里天龍山有龍池

白龍廟在縣西十五里明仙峪今廢

龍母廟在縣北二十里

青陽廟在縣西十五里今廢

呂祖閣在晉祠四月十四日祭

三清廟在晉祠

三聖祠在晉祠

太原縣志

卷之三

祀典

三十四

眞君廟在晉祠

公輸子祠在晉祠

苗裔堂在晉祠

好魴廟在王郭村

仙翁廟在南關

太和宮在北格鎮歲以三月三日祭

狐大夫祠在大槐樹村祀晉大夫狐突

介之推祠魏地形志土地記胥載今不存

小大王廟俗傳所祀卽程嬰之子屠岸賈所殺之僞孤也

舊在縣西小嬰山不知建自何年遇旱禱雨輒應乾隆

中爲山水所壞邑人移像於在城玉皇廟之左殿邑進士雷仁育題聯云一脈眞靈綿趙祀百年膏雨潤周黎按程嬰公孫杵臼事先儒多以史記爲妄而晉人至今猶樂道之故有此祀

尹公祠在縣西門外祀趙簡子之臣尹鐸知縣金礪建歲以六月二十八日致祭

趙襄子祠在縣南五代時潞王存珂與石敬瑭入廟神像屹然起立今不存

石婆祠卽北齊武明婁太后太后嘗病內使令呼太后爲石婆蓋有俗忌故改名石婆也太后久居晉陽居人感

太原縣志

卷之三

祀典

三十五

其惠故立祠

李少尹祠北漢劉崇立祀李驥

忠襄潁川王廟在舊縣城中

忒木台祠元太宗時嘗駐軍太原土人德之立祠

晉水七賢祠在晉祠文昌閣下祀周豫讓唐李白白居易

宋范仲淹歐陽修明于謙王瓊二八月紳士公祭楊二

酉有記

王恭襄公祠在晉祠祀明吏部尙書王瓊初名晉水賢祠萬歷間奉撫司給祠前水地數畝春秋致祭

金公祠名礪明時太原知縣有善政民德之立祠西門外

今廢

趙公祠在大佛寺村趙公名振業山東益都人進士順治三年任山西督糧道均晉祠水利有德於民故祠焉

梁大夫祠在縣南街城隍廟東院祀知縣梁卿雲歲以三月初四日祭

華塔寺在縣西三里安仁鄉唐貞觀八年僧法寶建內有無垢淨光佛舍利塔天寶間修宋咸平二年重修元至正間塔毀明洪武間復建

崇福寺在縣南五里大寺村北齊天保二年僧永安建唐大歷二年修會昌五年廢元至正初重建尋廢明洪武

太原縣志

卷之三

祀典

三十六

十年重建

童子寺在縣西十里龍山上北齊天保七年宏禮禪師建時有二童子見於山有大石似世尊遂鑄佛像高一百七十尺因名童子寺前建燃燈石塔高一丈六尺復鑿二石室以處衆僧金天輔元年燬於兵明嘉靖初僧道永重建

淨明寺在縣北古城隋仁壽二年建曰惠明宋太宗時塔圯光現詔復建成平間修有呂惠卿碑記景德三年七月塔成累甃九級高一百五十八尺元末寺塔皆廢明洪武十八年僧德閔重建正德十六年重修

國朝康熙年間重修有傅山舍利塔碑記見藝文

法華寺在縣西北十五里北齊天保二年建敕名開化隋仁壽初改名淨明唐武德三年復改爲開化乾寧二年重修宋淳化元年修塔二座明洪武十八年晉恭王重建有五代蘇禹珪王好古所撰碑劉知遠立石

縣甕寺在縣西南十里縣甕山魏熙平初沙門靈辨造華嚴論於此北齊天保三年僧離辨建緣山鑿石室宋仁宗時地震寺廢元至正三年修今廢

奉聖寺在晉祠南唐武德五年鄂國公尉遲恭禮釋滿公捐別墅創建高祖賜額十方奉聖禪寺公遺像在焉金

太原縣志

卷之三

祀典

三十七

貞祐間兵燬正殿中殿法堂窳堵波僅存元初釋洪智重建後希深一間淺公浩公杲公昌公惠公喜公胥有戒行歷加繕葺皇慶二年王居實撰碑至正十八年災明洪武二十四年重修內刻唐李德裕爲張宏靖祭叔虞文

明月寺在縣南十里晉祠東

雨花寺在縣西南十里紙房村明洪武十年重建

上生寺在縣西南十里晉源都北齊天統二年僧清輝建明永樂十四年重建

龍泉寺在縣西十里太山之麓唐景雲元年建明洪武二

十四年重修寺後有皇姑洞

明仙寺在縣西南十里龍山金天會二年僧淨慧建五洞石室三龕內有宋元豐八年呂惠卿撰三聖堂銘碑蘇過書詩石碣元彥齡明王瑄史士舉胥有詩

彌勒寺在縣北十里武家莊

崇聖寺在縣東十里汾河西舊寨村宋太平興國四年太宗平劉繼元毀太原城置平晉縣於汾東改行在爲佛寺賜號平晉一名回鑾御製平晉記并賦及五七言詩刻石寺中大中祥符二年改額崇聖皇祐五年奉太宗

御容於資聖院統平殿

宋禮志太宗取劉繼元於并州是太平之統也即崇聖寺殿名

太原縣志

卷之三

祀典

三十八

曰統平以奉太宗

嘉祐元年統平殿災詔復加崇建熙寧初汾

水溢寺毀元豐二年詔重建殿堂樓閣三百六十餘楹左右淨房十區以處僧眾後墺垣爲館舍數十區以待使客外築防千尺崇丈有五尺以防水患詔韓絳撰記元豐八年立石明宏治十四年碑吼三日夜一夕沒於汾鄉民復於故址建殿焉

閒居寺在縣西南十二里華嶺西唐貞觀二年僧洪辨建

元至正七年僧行果修

國朝

加慶九年索村人重建改名仙居寺

大雲寺在縣西北十二里金勝村金大定間建後廢止存

大石佛頭高三丈餘明永樂間重修

白雲迎福寺在縣西十五里龍山唐相裴休退隱於此近於甕山得石刻爲白雲迎福觀有順公塔記碑係宋宣和元年所立

六祖寺在縣東十五里流澗村金大定四年僧明眞建元至元元年僧桂堂修至正十八年廢明洪武十七年僧惠空重建 國朝嘉慶二十一年重修

明秀寺在縣南十五里北郭都

流福寺在縣東十五里汾河東柳林莊

隆福寺在縣南十五里張村

甘泉寺在縣西北十五里開化峪

太原縣志

卷之三

祀典

三十九

普照寺在縣西南十五里馬坊山乃桑維翰祠也今廢

洪福寺在縣南二十里洛陽村

顯光寺在縣東北二十里下莊村

聖壽寺在縣西南三十里天龍山麓北齊皇建元年建內

有石室二十四龕石佛四尊隋開皇四年鐫石室銘寺

東一里鑿壁爲池有龍王廟內有千佛樓北漢廣運二

年劉繼元命嬖臣范超冶金爲佛同平章事李惲撰碑

金天會二年廢元至正二年重建明正德初僧道永建

高閣以庇石佛嘉靖二十五年西巖鑿石洞三龕以避

兵釋洪連刺血書五大部經文於此總督蘇祐有詩

仙巖寺有二一在縣西南三十里葦谷山石洞內有鐵佛
三尊旁有石室北齊天保二年建爲避暑宮後賜今額
有齊主宮存址明周文端經有詩一在姚村

壽聖寺有二一在縣東北三十里許東一在縣東十里温
莊

永寧寺有二一在縣東北三十里吳村一在縣西南二十
里棗園頭村

定慧寺在縣西北四十里虎峪

萬光寺在黃陵村

大佛寺在汾水西隋開皇中釋澄空於汾西將鑄佛像鳩

太原縣志

卷之三

祀典

四十

集金炭二十年啟爐無成又二十年復無成又二十年
登爐巔百尺揚聲語觀者曰吾欲捨命金液倘大像圓
滿後五十年當爲建重閣俄金液赫耀投身而入及啟
爐鐵像高七十尺莊嚴端妙毫髮胥具唐開元初天平
軍節度使李勣捐錢七萬緡建重閣覆之北都謂之平
等閣計僧投爐日至是適五十年矣今佛非其佛而猶
稱爲大佛寺

大基聖寺北齊後主天統五年夏四月詔以并州尚書省
爲之

尼寺舊唐書唐元和二年正月庚子回紇請於太原置

摩尼寺許之

斛律寺唐誅宦官晉王憐河東監軍張承業不忍殺匿之
斛律寺中

三級佛寺魏永安三年十二月甲寅孝莊遷於晉陽甲子
史紀遺事於城內三級佛寺

興國寺在太原古城隋大業末唐公募兵得數千人兵司
總帳請安營處指興國寺曰此其興國者也宜於此寺
安處又曰處之興國可謂嘉名

龍華寺在縣北二十五里

蘭若寺在赤橋官道康熙十一年僧眞明建

太原縣志

卷之三

祀典

四十一

安寧寺有二一在縣南街東南隅卽今南寺一在縣西北
冶峪村

隆恩寺在縣西街今稱爲西寺

空王寺在縣南關

眞人寺在縣南二十里劉家堡

佛回寺在程家峪

植福寺在辛村始建自唐歷明涂水漲沒萬歷二十四年
里人耕田獲石佛於土中重建

延聖寺在汾河東孫家寨西北初名聖人廟建於唐明時
爲水所湮萬歷二十二年生員孫曾顯等重建崇禎三

年任陝西按察司照磨孫敬承等督工修築 國朝乾隆三十六年舉人孫兆庭督眾重修歲以四月八日祭曇陽寺在縣西北二十里大井峪
伏龍寺在縣北二十里義井村
仁德寺在縣北二十五里上莊村
開元寺在縣西北二十里大井峪
三學寺在縣北三十里后王村
護法寺在鄭村
大興寺在武宿村
建佛寺在高中村

太原縣志

卷之三

祀典

四十二

聖壽寺在南王名村

救善寺在小馬村今廢

高臺寺在紅寺村今廢

寶蓮寺在小店鎮不知建自何年明崇禎三年重修

國朝乾隆三年重修道光三年重修

淨明寺舍利塔

奉聖寺舍利生生塔在晉祠隋開皇年創建宋寶元三年

重建乾隆十三年邑人楊廷璿倡議重建 慎郡王作

文紀之楊二酉有記

萬佛塔乾隆十三年新建見碑記

華巖塔在白雲寺西今圯

長春觀在縣西南三里城角村元延祐元年道士劉志元

建學士陳儼撰碑明洪武十八年道士胡維賢重修

聖壽觀在縣西五里蒙山下隋文帝父楊忠爲周將伐齊

有功立碑於此今廢

北極觀在縣西唐同光二年建今廢

貞常觀在縣西一里金皇統元年道士杜志義建

昊天觀在縣西十里龍山絕頂元元貞元年披雲子宋德

芳建觀東石巖列石室八龕一曰虛皇二曰三清三曰

臥如龕內臥像一傳爲披雲子臥化地四曰元真五曰

太原縣志

卷之三

祀典

四十三

三天大法師六曰七真七八霄曰辨道凡鐫石像二十

有七尊明正德初內官暢英重修是時雲間陸本居石

洞以道術著內又有全真庵宋德芳撰碑

清真觀在縣北十五里金勝村元延祐二年道士魏道貞

建今廢

玉真觀在縣東北二十里舊平晉縣城內元至元間道士

張德雲建

遇仙觀在縣東三十五里温莊元大德二年道士尹志平

建

元真觀在縣東北三十五里王名村元延祐四年道士張

志全建

龍泉觀在縣東南二十五里三賢村元大德五年披雲子
宋德芳建

神清觀在晉祠西元至元三十年道士宋德芳建今廢

三聖堂在明仙寺旁有呂惠卿碑記

二聖廟在城北村嘉慶八年崔業等建

春秋樓在縣北街 關帝廟後

寶華閣在縣南門外

窰神廟在縣西門內

仙翁閣在晉祠東卽今紅閣

太原縣志

卷之三

祀典

四十四